

Sastanak predstavnika OHR-a, Svjetske banke i Medjunarodnog monetarnog fonda sa predstavnicima penzionera

Danas su se Visoki predstavnik, gospodin Wolfgang Petritch, njegov zamjenik za ekonomska pitanja, Daniel Besson, rezidentni predstavnik Svjetske banke, Joseph Ingram, i rezidentni predstavnik Medjunarodnog monetarnog fonda (MMF), Bruno de Schaetzen, sastali sa predstavnicima politickih stranaka i udruzenja penzionera, i tom prilikom razgovarali o predlozenim amandmanima na federalni Zakon o penzijskom i invalidskom osiguranju.

Visoki predstavnik i njegov zamjenik obrazložili su predstavnicima penzionera kako su pomenuti amandmani neophodni da bi se obezbijedila redovna isplata penzija i spriječilo još veće zaduživanje Sarajevskog penzionog fonda. U ovom momentu Sarajevski penzioni fond mjesečno prikupi oko 40 miliona KM na ime penzijskih doprinosa, a svoje propisane obaveze, koje su znatno veće od pomenutog iznosa, nije u stanju izmiriti usljed nedostatka potrebnih sredstava. To dovodi do kasnjenja isplate penzija, a nekada čak i do potpune obustave isplate, i povećalo je zaduženja fonda na 200 miliona KM.

Prema predloženim amandmanima Sarajevski penzioni fond isplacivao bi isti onaj iznos koji i prikupi. Taj će se iznos vjerovatno povećati ako Vlada Federacije obezbijedi pravovremenu i sistematičnu uplatu doprinosa, ako poduzme mjere protiv nelegalnog zapošljavanja, te izvrši reviziju proizvoljno odredjenih povlastica za odredjene kategorije

stanovništva.

U zavisnosti od djelotvornosti rada Vlade, penzije bi se mogle povećati nakon stupanja na snagu pomenutih amandmana na Zakon, ukoliko se poveća stopa uplate doprinosa. Tokom početne faze bi minimalna penzija u iznosu od 117 KM bila zagarantovana, a moguća smanjenja bi bila zanemariva i odnosila bi se samo na visoke penzije.

Visoki predstavnik istakao je da potencijalni investitori sa sumnjom prate neodgovorno ponasanje Vlade Federacije. Najsvježiji primjer takvog ponasanja jeste prijedlog za povećanje penzija za 38%. Cinjenica je da novac koga nema ne može ni biti potrošen. Izgleda da je taj prijedlog samo predizborno obećanje koje se ne može ispuniti.

Visoki predstavnik je još jednom istakao da će Bosna i Hercegovina, ukoliko se amandmani ne usvoje, izgubiti najmanje 150 miliona dolara međunarodne pomoći. Konkretno se radi o 130 miliona dolara pomoći od Svjetske banke te 24 miliona dolara u vidu Javnog finansijskog kredita za strukturalno podešavanje Svjetske banke, dok bi MMF suspendirao svoj Stand-by aranžman. Ukoliko ne usvoji pomenute amandmane, Vlada Federacije će time osim toga odbiti potencijalne investitore i bilateralne donatore.

Predstavnici penzionera su sa interesovanjem saslušali izlaganje, a potom dali konstruktivne prijedloge. Visoki predstavnik je obećao da će međunarodna zajednica srednjoročno razmotriti te prijedloge.

Visoki predstavnik je na kraju razgovora apelirao na predstavnike penzionera da imaju na umu katastrofalne posljedice po Bosnu i Hercegovinu i njenu privredu koje bi bile izazvane neusvajanjem amandmana, kao i da izvrše pritisak na svoje zastupnike u Parlamentu Federacije da ih usvoje.